

Incumbensa Hug concernent cuvertas da votaziun prefrancadas per il Grischun

Il sistem svizzer da la democrazia directa è unic sin tut il mund. En nagin auter pajais n'ha la populaziun pussaivladads da cundecider uschè cumplexsivas sco en Svizra. Quests dretgs politics vali da mantegnair sco basa la pli impurtanta da nossa democrazia. Displaschaivlamain fa main che mintga segunda persuna cun dretg da votar diever da ses dretg da cundecisiun. Dapi onns stagnescha la participaziun a la votaziun sin in nivel fitg bass, e displaschaivlamain è la participaziun en il Grischun anc pli bassa che la media naziunala.

Per ch'ils resultats da votaziuns e d'elecziuns possian vegnir cuntanschids en il futur sin ina basa pli vasta, dovri mesiras per augmentar la participaziun a las votaziuns ed a las elecziuns. Ina da questas mesiras è il prefrancar las cuvertas da votaziun, sco che quai vegn gia fatg en blers auters chantuns (p.ex. Appenzell Dadens, Argovia, Basilea-Citad, Genevra, Glaruna, Son Gagl, Sursilvania, Turgovia u Zug). In studi¹ da l'università da Friburg davart quest tema arriva a la conclusiun che cun prefrancar las cuvertas da votaziun possia la participaziun a votaziuns ed ad elecziuns vegnir augmentada per stgars 2 puncts procentuals. Quest augment considerabel sa lascha motivar dal fatg che la prefrancatura reducescha la lavur da las votantas e dals votants. Tranter auter mussa il studi numnadamain che la participaziun sa reducescha, sche la lavur da las votantas e dals votants crescha (procuraziun d'infurmaziuns, expensas e.u.v.).

Sut quest aspect para l'introducziun da cuvertas da votaziun prefrancadas en il Grischun d'esser ina mesira raschunaivla per augmentar la participaziun a votaziuns ed ad elecziuns. Ella chaschuna pitschens custs per il chantun – circa 300 000 francs per onn². Pervia da quai vegn la regenza incumbensada d'adattar la lescha davart ils dretgs politics en il chantun Grischun (LDPC; DG 150.100) en quel senn che las votantas ed ils votants dal chantun Grischun survegnan cuvertas per las votaziuns e per las elecziuns communalas, chantunalas e naziunalas, ch'èn vegnidas prefrancadas da l'autorità cumpetenta e ch'ils custs dal porto vegnan surpigliads dal maun public (chantun Grischun).

¹ Schelker M, Schneider M, 2017. *The elasticity of voter turnout: Investing 85 cents per voter to increase voter turnout by 4 percent. Electoral Studies*, 2017 (49), 65-74.

² Supposiziuns: participaziun a la votaziun 50 %, dumber da votantas e votants 140 000, 4 votaziuns per onn, custs per brev (correspondenza da risposta Posta CH SA) 1.10 francs, correspuonda a custs annuals da max. 308 000 francs, arrundads a 300 000 francs.

Cuira, ils 22 d'october 2019

Hug, Caviezel (Cuira), Schneider, Aebli, Alig, Atanes, Baselgia-Brunner, Berther, Berweger, Bettinaglio, Bondolfi, Brandenburger, Brunold, Cahenzli-Philipp, Caluori, Casty, Casutt-Derungs, Cavegn, Censi, Crameri, Danuser, Degiacomi, Della Cà, Derungs, Dürler, Ellemunter, Engler, Epp, Favre Accola, Gartmann-Albin, Gasser (Cuira), Geisseler, Giacomelli, Gort, Gugelmann, Hardegger, Hefti, Hofmann, Hohl, Horrer, Jenny, Kasper, Kienz, Koch, Kohler, Kunfermann, Kunz (Fläsch), Lamprecht, Locher Benguerel, Loepfe, Maissen, Märchy-Caduff, Marti, Michael (Castasegna), Müller (Favugn), Noi-Togni, Papa, Perl, Preisig, Rettich, Ruckstuhl, Rüegg, Rutishauser, Salis, Sax, Schmid, Schwärzel, Thöny, Thür-Suter, von Ballmoos, Waidacher, Weber, Widmer (Favugn), Widmer-Spreiter (Cuira), Wilhelm, Zanetti (Sent), Zanetti (Landquart), Donatsch, Pajic, Patzen, Spadarotto